



UNIVERZITET U TUZLI

FILOZOFSKI FAKULTET



DANI FILOZOFSKOG FAKULTETA

*Savremeni izazovi i perspektive društvenih
i humanističkih studija*

PRVA NAUČNA KONFERENCIJA

SIP DHS 2017

POZIV ZA UČEŠĆE

07. APRIL 2017.— TUZLA

ORGANIZATOR NAUČNE KONFERENCIJE
FILOZOFSKI FAKULTET UNIVERZITETA U TUZLI

WWW.FF.UNTZ.BA



PRVA NAUČNA KONFERENCIJA

**Savremeni izazovi i perspektive društvenih i humanističkih studija
SIP DHS 2017**

CILJ NAUČNE KONFERENCIJE

Konferencija ima za cilj prezentaciju dostignuća iz područja društvenih i humanističkih studija, međusobnu razmjenu znanja, iskustava i ideja, intenziviranje saradnje između institucija i organizacija, te nalaženje zajedničkih rješenja za probleme sa kojima se susreće savremeno društvo. Program konferencije nudi mogućnost promocije, razmjene znanja, ideja i iskustava iz savremene problematike društvenih i humanističkih studija, diskusiju u vezi sa važnim pitanjima, kao i sticanje novih saznanja. Konferencija predstavlja priliku naučnicima i istraživačima da prezenutuju radove i rezultate svojih istraživanja.

TEMATSKE OBLASTI

Lingvistika i književnost, filozofija, sociologija, politologija, pedagogija i didaktika, psihologija, komunikologija i mediji, socijalni rad i socijalna politika, historija, kulturologija i druge discipline iz oblasti društvenih i humanističkih nauka.

SLUŽBENI JEZICI SKUPA

Službeni jezici naučne konferencije su bosanski, hrvatski, srpski i engleski jezik.

ORGANIZATOR NAUČNE KONFERENCIJE

Filozofski fakultet Univerziteta u Tuzli

PROGRAMSKI ODBOR

Predsjednik: doc.dr. Asim Pandžić

Članovi: prof.dr. Refik Bulić, doc.dr. Alma Halidović, doc.dr. Elvis Vardo, prof.dr. Adnan Jahić, prof.dr. Bego Omerčević, prof.dr. Nihada Delibegović Džanić, prof.dr. Vedada Baraković, Amra Zulfić, predstvanik Unije studenata.

ORGANIZACIONI ODBOR

Predsjednik: prof.dr. Mirsad Kunić

Članovi: prof.dr. Naser Prljača, doc.dr. Asim Pandžić, prof.dr. Selma Porobić, prof.dr. Sead Nazibegović, prof.dr. Najil Kurtić, prof.dr. Adib Đozić, prof. dr. Nijaz Karić, prof.dr. Izet Šabotić, doc.dr. Ivica Tokić, prof.dr. Maliha Hrustić, prof.dr. Vedad Spahić, doc.dr. Jelena Ilić Plauc, prof.dr. Jasmina Husanović-Pehar, prof.dr. Zlatan Delić, mr.sc. Malinda Botalić, Naida Ljuma, predstvanik Unije studenata.

Tehnički sekretar konferencije: Mr. Mersiha Imamović

Dizajn: Dr.sc. Maja Hrvanović, docent

OPĆA UPUTSTVA

1. Dostavljanje prijava sa apstraktom

- Prijave sa apstraktom trebaju biti dostavljene Programskom odboru najkasnije do **15.2.2017.** godine.
- Obavještenja / potvrde o prihvaćanju apstrakata, zajedno sa pozivom za pripremu konačnog rada i prezentaciju na konferenciji bit će dostavljeni do **1.3.2017.** godine.
- Apstrakti se dostavljaju na email: **sipdhs@untz.ba** na bosanskom, hrvatskom, srpskom i engleskom jeziku,
- U apstraktu navesti ime i prezime, zvanje, adresu (pošta, e-mail, telefon) autora, kako je navedeno u Prijavnom obrascu;
- Apstrakt sadrži ne manje od 300 i ne više od 500 riječi,
- Apstrakti se piše u Microsoft Word-u, veličina papira A4, uspravno, font 12, prored teksta 1, margine normalne (2,5 cm obostrano).

2. Instrukcije za izlaganje

- Trajanje svake prezentacije bit će ograničeno maksimalno do 15 minuta, zavisno od broja prihvaćenih radova za izlaganje.
- Radovi koji se budu slali za objavljivanje treba da slijede „**Uputstva za tehničku pripremu radova**“ koja vam, također, šaljemo, a koja su dostupna i na internet stranici: **www.ff.untz.ba**

3. Publikacije

- **Zbornik konferencije će uključiti slijedeće publikacije:**
 - Program konferencije,
 - Knjigu apstrakata svih prihvaćenih i prezentovanih radova (sa ISBN brojem).
- Nakon konferencije, u skladu sa datim uputstvima i uslovima, **odabrani radovi će biti objavljeni u vanrednom i/ili redovnom broju časopisa *Društvene i humanističke studije – DHS***, izdavač: Filozofski fakultet u Tuzli.

4. Rokovi / važni datumi

- Rok za podnošenje prijave sa apstraktom: **15.2.2017. godine**
- Obavještenje o prihvatanju odabranih apstrakata radovakoji će se prezentovati na konferenciji: **1.3.2017. godine**
- Datum održavanja konferencije: **7.4.2017. godine**
- **Rok za dostavljanje radova, uključujući i radove koji nisu dostavljeni u apstraktima do 15.5.2017.godine**
- Obavještenje o prihvatanju rada za objavljivanje: **1.6.2017. godine** (nakon izvještaja Programskog odbora Manifestacije Dani filozofskog fakulteta 2017 o učešću autora na konferenciji i odabiru recenziranih radova za objavu u časopisu “DHS”)

UPUTSTVO ZA TEHNIČKUPRIPREMU RADOVA

Radovi treba da budu dostavljeni elektronski, u prilogu – kao otvoreni dokument (Word format). Ukoliko radovi ne budu ispunjavali preporuke date u Uputstvu, neće biti predati na recenziju i neće biti štampani.

„Društvene i humanističke studije“ je časopis Filozofskog fakulteta Univerziteta u Tuzli. U časopisu se objavljuju radovi iz društvenih i humanističkih nauka. Radovi mogu imati do 30.000 znakova, bez bjelina. Objavljuju se samo ranije neobjavljeni radovi koji dobiju dvije pozitivne recenzije. Radovi se kategoriziraju. Časopis nije u mogućnosti isplaćivati autorske honorare pa se samim slanjem rada u časopis autori odriču autorskog honorara, a ujedno daju saglasnost za objavljivanje sažetka ili cijeloga svoga rada na internet stranici časopisa i u bazama podataka u koje će časopis biti uključen. Časopis izlazi jednom godišnje i besplatan je.

Radove treba slati e-mailom na: sipdhs@untz.ba do **15.5.2017.** godine.

Radovi se šalju u standardnom formatu A4 (Times New Roman, veličina slova 12, prored 1,5). Bilješke treba da budu na dnu stranice. Rukopis treba urediti i numerirati na sljedeći način:

0. stranica: naslov i podnaslov, ime(na) autora, ustanova, adresa ustanove i e-mail autora, a za autore bez zaposlenja samo mjesto stanovanja i e-mail;

1. stranica: naslov, podnaslov, ključne riječi i sažetak na jeziku kojim je rad pisan (odnosi se na raspravu i članke);

2. stranica i dalje: glavni dio teksta.

Ako je tekst pisan na bosanskom jeziku, na kraju teksta treba dodati naslov teksta i sažetak na engleskom jeziku. Ako je tekst pisan na engleskom jeziku, na kraju teksta treba dodati naslov teksta i sažetak na bosanskom jeziku.

Popis izvora i literature počinje na novoj stranici. Na kraju rada treba dodati sve posebne dijelove koji nisu mogli biti uvršteni u tekst (crteži, tablice, slike i sl.).

Ako se u radu numeriraju odjeljci, treba nastojati da se koriste najviše tri nivoa. Nivoje treba označavati arapskim brojevima (1. / 1.1. / 1.1.1.) i za različite nivoje treba upotrebljavati različite tipove slova:

1. Masnim slovima (Times New Roman)

1.1. Broj masnim slovima, a naslov masnim kosim slovima (Times New Roman)

1.1.1. Broj običnim slovima, a naslov kurzivom (Times New Roman)

Prije novog odjeljka s naslovom treba ostaviti dva prazna retka, a između naslova i odjeljka po jedan prazan redak.

Sve primjere u radu treba pisati kurzivom.

Podaci o autoru citiranog teksta pišu se u zagradama a sastoje se od prezimena autora i godine objavljivanja rada, te broja stranice nakon dvotačke i bjeline, npr.: (Matthews 1982: 23). Ako broj stranice nije značajan, navodi se samo prezime autora i godina objavljivanja rada (Matthews 1982).

Kraći citati počinju i završavaju se navodnicima, a duži citati oblikuju se kao poseban odjeljak – odvajaju se praznim redom od prethodnog dijela teksta, pišu se uvučeno, bez navodnika, kurzivom i veličinom slova 10.

Kad se u radu navode primjeri koji se normalno ne uklapaju u rečenicu, oni se označavaju arapskim brojkama u zagradama i odvajaju od glavnog teksta praznim redom.

Ako je primjere potrebno grupirati, oni se mogu označavati brojkom i malim slovima, npr.: (1), (1a), (1b), (1c) itd.

Na posebnoj stranici na kraju teksta navodi se naslov **Literatura** a ispod naslova navodi se korišćena literatura.

Bibliografske jedinice navode se abecednim redom prema prezimenima autora. Svaka bibliografska jedinica piše se u zasebnom odjeljku a drugi i svaki naredni red je uvučen. Između bibliografskih jedinica nema praznih redova. Radovi istog autora redaju se hronološki – od ranijih radova prema novijim. Ako autor ima više radova objavljenih u jednoj godini, oni se obilježavaju malim slovima, npr.: 2010a, 2010b, 2010c itd.

Ako se u radu navodi više od jednog članka iz iste knjige, onda tu knjigu treba navesti kao posebnu bibliografsku jedinicu pod imenom urednika, pa u jedinicima za pojedine članke uputiti na cijelu knjigu.

Imena autora u bibliografskim jedinicama treba pisati u cijelosti.

Svaka bibliografska jedinica treba biti napisana tako da ima sve sljedeće elemente, redoslijed i interpunkciju:

- prezime prvog autora, ime, ime i prezime drugih autora (odvojeni zarezom od drugih imena i prezimena);
- godina objavljivanja napisana u zagradi nakon koje slijedi zarez;
- naslov i podnaslov rada, između kojih se stavlja dvotačka;
- uz članke u časopisima navodi se ime časopisa, godište i broj, zatim zarez i nakon zareza brojevi stranica početka i kraja članka;
- uz članke u knjigama navodi se prezime i ime urednika, nakon zareza skraćénica ur., potom naslov knjige iza koga slijedi zarez i nakon zareza broj stranica početka i kraja članka;
- uz knjige i monografije po potrebi se navodi izdanje, niz te broj u nizu (po potrebi), izdavač, mjesto izdavanja;
- ako neka publikacija ima dva ili više izdavača, onda se između podataka o izdavačima stavlja pravopisni znak tačka-zarez;
- naslove knjiga i nazive časopisa treba pisati kurzivom;
- naslove članaka iz časopisa ili zbornika treba obilježavati navodnim znacima.

Primjeri:

Škaljić, Abdulah (1989), *Turcizmi u srpskohrvatskom jeziku*, 6. izdanje, Svjetlost, Sarajevo
O'Grady, William, Michael Dobrovolsky, Mark Aronoff (1993), *Contemporary Linguistics: An Introduction*, Second Edition, St. Martin's Press, New York

Tošović, Branko, Arno Wonisch, ur. (2009), *Bošnjački pogledi na odnose između bosanskog, hrvatskog i srpskog jezika*, Institut für Slawistik der Karl-Franzens-Universität Graz, Graz; Institut za jezik Sarajevo, Sarajevo

Šator, Muhamed (2008), "Jezička politika u vrijeme Austro-Ugarske", *Bosanski jezik* 5, 103–131.

Vajzović, Hanka (2005), "Alhamijado književnost", u: Svein Monnesland, ur., *Jezik u Bosni i Hercegovini*, 175–215, Institut za jezik u Sarajevu, Sarajevo; Institut za istočnoevropske i orijentalne studije, Oslo

VRIJEME I MJESTO ODRŽAVANJA NAUČNE KONFERENCIJE

Prva međunarodna naučna konferencija „Savremeni izazovi i perspektive društvenih i humanističkih studija“ održat će se na Filozofskom fakultetu u Tuzli 7. aprila 2017. godine. Adresa: Tihomila Markovića 1. 75000 Tuzla, Bosna i Hercegovina.

Za učesnike izvan Tuzle preporučujemo smještaj u Hotelu „Tuzla“, adresa: Ul ZAVNOBiH-a 13, 75000 Tuzla, Bosna i Hercegovina, www.hoteltuzla.ba. Smještaj je udaljen 20 metara od sjedišta Filozofskog fakulteta i mjesta održavanja konferencije.

**Troškove smještaja i prijevoza snose sami učesnici.
Kotizacija za učešće na Prvoj konferenciji se ne naplaćuje.**

Prijavu za naučnu konferenciju, apstrakte i radove dostaviti isključivo elektronski putem na sljedeću adresu:
e-mail: sipdhs@untz.ba

INFORMACIJE

Zvanična internet stranica naučnog skupa glasi: www.ff.untz.ba
Adresa elektronske pošte za kontakt (e-mail): mersiha.imamovic@untz.ba
Osoba i kontakt telefon: **mr. Mersiha Imamović, +387 (0)61 644 338**

Predsjednik organizacionog odbora: prof.dr. Mirsad Kunić
Predsjednik programskog odbora: doc.dr. Asim Pandžić